



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გაბაშვილი ფრანგისტან ანდრიას ძე

გაბაშვილი ფრანგისტან ანდრიას ძე (1853, - 15. II.1928, ბელგრადი), რუსეთის არმიის გენერალ-მაიორი (1913).

ჯარში მსახურობდა 1874-იდან. მონაწილეობდა რუს.-ოსმ. (1877-78) და რუს.-იაპონიის (1904-05) ომებში. 1914 მეთაურობდა კავკ. მე-3 მსროლელ ბრიგადას ყირიმში. I მსოფლიო ომის დროს იბრძოდა თურქეთის ფრონტზე, მონაწილეობდა ერზრუმის შტურმში, რისთვისაც დაჯილდოვდა წმ. გიორგის IV ხარისხის ორდენით. რუს. სამოქალაქო ომის დროს იყო თეთრი მოძრაობის რიგებში, 1918 - უკრაინის ჰეტმანის არმიაში (მეთაურობდა მოხალისეთა რეზერვის კიევის რაზმს), 1919-იდან - მოხალისეთა ჯარების შტაბის რეზერვში.

1920 იბრძოდა ყირიმში ვრანგელის არმიის რიგებში. შემდეგ ემიგრაციაში წავიდა.
